

IA

DIVERS.
TRAICTES.
HISTOR.


IA

IA

IA

IA





OE xv
754

Pièce 1 - Daunou	381 -	
2 -	912 -	Pellechet 4168 ^{bis} =
3 -	915	- 4618
4 -	913	
5 -	914	- 3899
6 -	916	
7 -	917	
8 -	918.	

Toutes les autres pièces sont du XVI^e siècle.

EXV 754 p. verte

ancien L 4° 463

Relure aux armes de
De Mon avant
les deux mariages

OE xv
754

Le Triumphe
ET LA POMPE
MAGNIFIQUE,
Faictz aux Baptisailles du Duc Francoys,
filz de Monseigneur le Daulphin,
Celebré a Fontainebleau le
dixiesme Iour du moys
de Feburier.

M. CCCCC. XLIIII.



Imprimé à Tholose, deuant le
College de Foix.



ONSIEVR, Des nouvelles de
pardeca, Le Cardinal de Frenez Le
gat Dauignon & Nepueu du Pape
est de retour a la Court, car estoit alle
en Ambassade deuers L'Empereur, cō
me vous ay rescript par mes dernie
res Lettres, & dict on quil aeste mal
recueilly. A present lon attend les
nouuelles ou venue du Cardinal du

Bellay & du Chancelier Dalencon quart President de
Paris, qui sont allez en Ambassade a la Diette des Alle
maignes de mandement du Roy, & est le cōmun bruiet
quilz ont trouue difficulte du passaige: a leur venue vous
escripray toutes nouuelles. Touchant les faictz de ces
iours passez, Mecredy sixiesme de ce moys Monsieur
Dannebault Mareschal de Frāce & Cheualier de lordre
fut faict grand Admiral de France & presta le Serment
au Roy solennellement, & fut crye par le Herault Dar
mes au Chasteau de Fontainebleau. Le leudy ensuy
uant Mōsieur le Daulphin, & Monsieur Dorleans ayās
chascung cent cinquante gentilz Hommes ou plus, tei
rent deux Assaulx es Bastillons qui pour ce leur estoient
dressez à la grand basse Court du Chasteau. Puis ce faict
iouarent au ieu de la Balle, qui faisoit bon veoir, & estoit
vng grand passetemps: mesmemēt au Roy qui estoit sur
vng Eschauffault couuert dung Pauillon bien tapisse,
accōpaigne du Roy de Nauarre, des Seigneurs de Guise
& saint Paul, des Cardinaulx suyans la Court & aul
tres seigneurs, La Royne, madame Marguerite, la Prin
cesse de Nauarre, & toute lassemblee des Dames: (Aus
dictz ieux vous eussiez veu mainet bon tour dagillite &
force.) Les gens du quartier de Mōsieur estoient vestuz
de toylle d'argent, de velours & satin blanc, les chausses,
bōnetz, & plumes a laduenant: Ceulx de monsieur Dor

leans de velours rouge cramoyssi, chascū en son endroit
desirant auoir gloire & reputation de les faictz.

¶ Hier qui estoit Dimenche dixiesme de ce moys fu
rent faictz les Baptisailles du ieune Duc Francoys, filz
de Monsieur, ce que ne vueil obmettre vous escrire, &
de la magnificence & ordre qui y fut obserue. Premiere-
ment debuez scauoir q̄ au quartier de madame la Daul-
phine dans vne grand Salle tapissée bien richement a ce
que illecq les Dames fassemblassent fut dressé vng Liçt
riche & sumptueux, au dessus duq̄l y auoit troys Cielz,
lung de drap Dor, laultre de Velours bleu en broderie se-
me de Fleurs de Lys dor, & le tiers de drap d'argent seme
Dhermines. Le Liçt estoit couuert dune Couverture en-
trelassée de drap Dor sur Velours violet pēdant iusques
en terre, avecq deux Aureilliers couuers de Pierrerie a
Houppes de Cramoyssi. Et enuiron quatre heures de
soyr les Dames se rendirent a ladicte Salle vestues d'a-
coustremēs aussi riches que lon aye veu pieca en France
faictz toutz expressement de neuf; comme de drap Dor,
& d'argēt, d'orpheurerie, pourphileure, canetille, passēmēt
broderie, pierrerie, chaines, bagues, fermeaux, & aultres
doreures, le tout si tresriche que ceulx qui la estoient pre-
sentz nauoyent oncq veu le cas pareil.

Item depuis la Chambre de Madame & au long de la
Gallerie iusques aux degrez faictz pour descendre a la
Chappelle, estoient tendues Tapisseries de Velours vio-
let seme d'attainctes de fil Dor par broderie: le Ciel de sa-
tin cramoyssi a Croix blanches & satin violet a Fleurs de
Lys, festons, Chappeaulx de triumphe, les Armes du
Roy, de la Roynne, de Mōsieur, de Madame, & du ieune
Duc, qui sont Escarteleures du chāp de France; de Daul-
phins & Hermines. Les Tapisseries du long des Degrez
iusques a la Chappelle estoient de drap Dor & Velours
cramoyssi seme de Fleurs par poinctes, & le paue couuert

A ij

de Tapis veluz. Item le Ciel tendu a ladicte Chappelle estoit de satin blac & violet seme de Fleurs de lys & Hermines. Le tour de ladicte Chappelle estoit de Tappissierie faicte a hystoires par personaiges apres le naturel, & estoit toute neuue, & dict on q ladicte Tapissierie a couste vingt mille Escutz. Les Chadeliers de ladicte Chappelle estoient tous d'argent ayant haulteur de cinq piedz ou plus, garnyz de Cierges blancs.

Quant vint sur le faillat du iour, les Suysses de la garde & Archers du Roy & de Monsieur vestuz de leurs Hocquetons argentez, furent en la basse Court es lieux a eulx ordonez, ayant chascun deulx vng Flambeau au poing, ensemble tous les Officiers de la maison du Roy & de Monsieur avecq les Pages descuyrie qui estoient environ de cinq a six cēs: Dont la clarte desdictz Flambeaux resplandissoit par la place de telle sorte quelle rendoit la nuit presque esgalle au iour. Lors eussiez ouy Tabourins, Phiffres, Trompettes, Clerōs, Haulx boys, Cornetz a bouquin, mener & faire telz sons que cestoit chose admirable de la melodie qui resonnoit es Aureilles des assistants. Daultre coste estoit Lartillerie assise au dehors du Chasteau en vng Bastillon pres de Lestang, qui bombardoit a merueilles, tellement que lon eust dict que toutes choses auoyent sentiment naturel, & sinduysoient delles mesmes a solenniser ce Royal Triūphe aussi bien que la noblesse des Princes qui la assistoient: Et estoit la garde du Corps dans les Galleries pour dōner ordre a la foule du monde qui la affluoit par si grand nombre que la plus part furent cōtrainctz eulx pourmener & cheminer toute nuit parce quil ny auoit assez lieu pour les heberger a troys lieues a lenuiron: & qui plus est la Court est a present plus grande en Princes & seigneurs q elle ne fut pieca.

Lordre qui fut obserue en ce triumphe estoit tel. En la Chappelle se rendirent premierement Messieurs les Car

dinaulx de Bourbon, & de Gyuri, vestuz pontificallement
auecq leur suite accōpaignedes Châtres de la Chappelle
du Roy: Puis marchoyent en deux couples les Haulxboys
& Cornetz: Apres alloient les Cent gentilz Hōmes de la
maison du Roy chascung son Flambeau au poing, & mar-
choient apres lesdictz gentilz Hōmes quatre Escuyers eri-
gez pour lestat du ieune Duc, allant aussi apres eulx deux
Maistres Dhostel portans leurs Bastons en la main, vestuz
de Robes de satin blanc richement pourphillees: apres les-
quelz alloyēt troys Heraulx Darmes, vestuz de leurs Cots-
tes qui estoit chose de grand magnificence a veoir. Apres
marchoit en grauite audacieuse dune bōne grace Mōsieur
de Neuers portāt Lenseigne en la main vestu dhabillemẽts
blancs, enrichiz de pourphilleures de Perles. Puis apres le
Seigneur de Neuers marchoit Monsieur Dorleans qui por-
toit Lenfant entre ses Bras, accompaigne de quatre gentilz
Hōmes, scauoir est deux a chascung coste dudict Seigneur
portantz le Voille qui estoit sur ledict ieune Duc, affin quil
ne traynast en terre: & estoit ledict seigneur Dorleans vestu
dune Robe de drap Dargent, faict a grands figures, fourree
de Loups cerfueiz. En apres marchoit pompeusement le
Roy vestu de ses accoustremens Royaulx, tenāt le Sceptre
en sa main, ayant vng Bonnet bien & richement garny de
Pierrerie, tellement que la lueur & resplendeur dicelles ren-
doit les yeulx de ceulx qui regardoyent aussi confuz que
filz eussent regarde contre les Rayons du cler Soleil. Puis
estoit le Seigneur suyui du Roy de Nauarre, du Cardinal
de Frenez Legat Dauignon: des Cardinaulx de Lorraine,
de Meudon, de Richencourt & de Chastillon, ausq̃lz esto-
ent portees les queues de leurs Cloches par aulcūgs de leurs
gentilz Hommes. Apres marchoyent en tresque bel ordre
les Seigneurs de Guise, de saint Paul, le Duc de Montpen-
cier, le Prince de la Roche suryon son frere, Mōsieur Dau-
malle filz de Monsieur de Guise, & le Côte de Roussi qui

estoit aussi bien & proprement vestu a mon aduis que tout
aultre, dune Robe faicte en maniere de Casaque, de Drap
Dargent a Fleurs & Treffles de Bleu. Puis marchoyēt bra
uement Monsieur le grand Admiral, le Seigneur de Boyssi,
Bonniuet, Montpesat, & aultres grands gentilz Hommes,
Messieurs les Ambassadeurs de Venise, du Pape, de Portu
gal, & aultres gentilz Hōmes en si bel ordre & grand nom
bre que iceulx descripte & nōmer avecq la richesse & triū
phe qui la estoit seroit chose plus que prolix, & croy selon
le iugement dung chascung quen Frāce ne sest iamais veu
tel triumphe ne si sumptueux, dont pour eūter prolixite ie
laisse cy endroict a escrire & nommer les Archeuesques,
Euesques, & aultres Prelatz & gens destat de leur suite.

Après tout ce dessus marchoyent les dames, & après icel
les quatre gentilz hommes, & la Roïne apres eulx avecq
deux aultres gētilz hōmes qui luy portoyent la queue de sa
robe, & a madame Maguerite pareillemēt q la suyuoit, tou
tes deux vestues a la mode de Frāce, de Robes de drap dor
bordees a lētour de Pierreries & perles, q faisoit merueilleu
semēt bon veoir: les accoustremētz de tette, aornementz de
col a lequipolent excedant par oeuvre la richesse Dorphe
urerie. Puis marchoyent apres la princesse de Nauarre, mes
dames de saint Paul, Neuers, Montpēcier Destēpes, de Cas
ny, & de Massy acōpaignees de leurs gētilz hōmes qui leur
portoyent les queues, le tout en si bel ordre que mieulx nest
possible. Icelles estoient suyues de plusieurs aultres Dames
& damoyelles: aulcunes a elles esgalles en beaulte, aultres
les excedāt, nō pas en richesse dacoustremēs. Et debuez sca
uoir que tous ceulx qui portoyēt les flambeaux, & torches
ne bougerēt, de la place ou des galleries es lieux ou estoient
designez, hors mys les cent gentilz hōmes de la maison du
Roy qui marchoyent les premiers cōme dessus est dict. Da
uantage y auoit par toutes les fenestres Lanternes, en si
grand nombre & quantite que neussiez veu linon lumiere,

car a chascune en y auoit selon l'espace & lieu ou on les pou-
uoit mettre. Contre les murailles du Chasteau estoient affi-
chez gros crampons de Fer ou estoient mys les Flama-
beaux, le tout si bien accoustre que a veoir ce dessus, vous
eust semble estre chose faee, & eussiez estime a loeil voyant
qu'Engin humain neust peu comprendre faire les choses si
bien faictes, riches & sumptueuses. Pendāt le temps que ce
dessus se faisoit l'artillerie tiroit, & bombardoit de telle ma-
niere que mieulx me sembloit estre a louyr au cāp de Mar-
rolles, ou de Luxēbourg, ou bien a l'assault ou prinse de quel-
que forte Ville, & d'autre part cōme ay deuādict les haults
boys, Cornetz, Tabourins, & Phiffres faisoient si bien leur
debuoir de melodieušemēt sonner que chascung demouroit
tout esbahy & de ioye rauy. Et a cause de la grand multitu-
de de monde qu'il estoit ceulx qui entroyent par le coste de
la Chappelle estoient cōtrainctz sortir par l'autre part de la
Court, tyrant a la Salle du Bal, & ne demoura personne en
ladicte Chappelle sinon le Roy, la Royne, & qlques vngs
des Cardinaulx dediez a solenniser ce diuin Sacrement: les
quel faict & accomply, les trois Heraulx susdictz allerent
crier en trois pars du Chasteau a haulte voix, Viue le Duc
Francoys. Et ce faict toute la noblesse des Seigneurs &
Dames alla en ladicte Salle du Bal, excepte aucunes qui
conduyrent L'enfant en sa Chambre.

¶ Si en tout ce dessus y auoit eu triumphe & magnifi-
cence, encore fut l'excellence de la solennite en sumptuosite
& richesse plus grāde en lad. Salle: Car en p̄mier lieu estoit
vng Ciel tēdu tout de drap Dor & d'argent, les Chandeliers
pendāt en layr, d'argent, de valeur & facon admirable: puis
en ladicte Salle estoient desployez les deux Buffetz du
Roy, (Buffetz de parement) Lung Dor, & l'autre d'argent
dore: & estoient es deux costez vng peu plus bas q̄ le meil-
lieu de ladicte Salle, & auoit a chascūg Buffet quatre haults
Chandeliers garnyz de Cierges allumez, les Gardes & Ar

chers a lentour diceulx, desqz Buffetz la valeur & richesse est incredible. Ladicte Salle estoit rendue a lentour de Tapissierie toute neufue, tyllue entierement de fil dor, d'argent, & de soye, ou sont pourtraictes les Batailles des Rômans & de Hânibal, ou iay bien repeu mes yeulx de regarder chose excellente, car a vray dire cest louuraige qui approche mieulx du vif, les simetries, & mesures des personnaiges en proportion que iaye iamais ouy dire, veu, sceu, ny leu, & a lequipolent sont les couleurs adaptees, les passaiges, verdure, boys, massonneries d'antique & vraye architecture par artifice tres excellent. En ladicte Salle, tant aux coings qu'au meillieu y auoit de Coulonnes doricques, yonicques, rustiques, arcs triumphaulx avecq les soubasses & epistilles de mesmes choses en tout, de grâd Esprit & art, & a estimer aultant que chose qui soit ailleurs, Mais de ce ne se fault esmerueiller, car tout ainsi que le Roy est hault & excellent en Esprit, il ayme les choses de bon art & inuention, & les hommes amateurs dicelles, tesmoing beaulcoup de sa maison & aultres, vers lesquelz il a vse & vse iournellement de magnificence & liberalite Royale.

Le Festin du soupper finy, le Bal se dressa, dont le Roy commença avecq Madame de saint Paul, Monsieur suyuant avecq Madame Marguerite, Monsieur Dorleans avecq la Princesse de Navarre, & consequemment tous les aultres Princes & Seigneurs, qui estoit chose belle a veoir. Puis le lendemain continuant tout ioyeux excercice, se firent ioustes & Tournoyes en grande pompe, lesquelles choses ie laisse en la consyderation de vostre Esprit, faisant fin de mon Escrip. De Fontainebleau le .xj. de ce moys de Fevrier. Mil cinq cens. xliij.

F I N I S.

